

御選元詩卷第三十九目錄

五言律詩六

盧琦五首

朱德潤四首

吳炳二首

趙奕一首

蘇天民四首

鄭元祐三首

元顏師中一首

馬熙一首

曹文晦八首

御選元詩

卷三十九 目錄

邵思文一首

卞思義一首

范栝一首

程煜一首

唐棣二首

趙渙一首

陳聚一首

葛元喆一首

陳高七首

陳駮一首

甘立三首



王冕十一首

郭翼七首

王畛一首

王原傑一首

黃公望三首

吳鎮十七首

黃鎮成十首

陳柏一首

李存四首

吳景奎六首

陳植二首

御選元詩

卷三九
目錄

張師曾一首

何景福二首

潘純二首

徐舫一首

陸廣一首

羅蒙正一首

俞明德一首

趙覲二首

范致大二首

李文一首

郭完一首

方垣一首

泰不華二首

余闕十三首

汪澤民二首

鄭玉二首

呂震一首

韓準一首

陳肅三首

王翰五首

伯顏二首

李祁四首

御選元詩

卷三九目錄

陳基十首

饒介一首

馬玉麟二首

張憲十八首

陳秀民二首

方行一首

御選元詩卷第三十九

五言律詩六

盧琦

寄張子震

南浦多芳草東風又落花相思頻入夢見說欲回家奇
字從人問新醕爲客賒自慙羈旅者猶滯錦江涯

和林子蒼湖亭晚酌

登臨多野趣未暇問朝簪南國秋聲起西湖暮景涵江
雲連遠樹山雨落寒嵐同是他鄉客相攜看斗南

昆山客邸

萍水須相識居然子共歡天高秋月落江近夜潮寒湖

御選元詩

卷三十九

盧琦

朱德潤

海詩懷壯雲山客夢殘出門舟欲發猶自倚闌干

遊洞嶺寺

古寺藏煙樹巖扉晝不扃日高花散影風定竹無聲稚
子添香火閒僧閱藏經新詩吟未就獨向殿階行

遊吳廷用南莊

公事多餘暇看山到遠村雲莊依竹見樵逕過橋分野
水晴春碓巖松晝掩門所忻花縣近歸路任黃昏

朱德潤

十四日泊安陵

廣川六百里驛道上皇州紫極星辰近黃河日夜流村
明深夕火灘泊過年舟明發乘車去逢人說浪遊

題陳直卿一碧萬頃

浩蕩具區尾蒼茫不斷流水光浮四際雲氣接三州日
月雙丸吐江山萬古愁吟軒未能敞鄉思獨登樓

翠雨亭詩

翠樹元無雨空濛暗濕衣林深迷遠嶂風捲雜晴暉嵐
潤侵書几陰涼拂釣磯蒼雲何處密清曉傍簷飛

題周仲傑古泉

聞說東園好漸江暗發源鑿池疏地脉疊石種雲根滌
研魚鱗動烹茶蟹眼温欲知隱者樂何日扣柴門

吳炳

夏夜偶成

御選元詩

卷三九

朱德潤

吳炳

趙奕

二

有恨空憑檻因涼獨近楹雨留楓樹滴波碎月池明班
女休題扇緱山約美笙所懷今不見鐘鼓隔重城
樹鵲棲難定槐蟬噪未休露侵弦柱澁月映簾紋流年
鬢空嗟晚情懷預怯秋畫屏搖短燭獨坐數更籌

趙奕

春日書懷

忙裏過韶華東風日易斜黃粱應未熟白酒尚堪賒
媿迷幽草蛛絲絆落花百年能有幾隨分度生涯

蘇天民

寄見心上人

見說雙溪寺緣溪一逕微泉香供客飲山翠濕人衣老

鶴依松立輕雲著樹飛高僧清坐久都與世相隨
路入雙峰境道遙杖屨隨定鐘鳴曙早梵唄出林遲代
步籃輿穩攀躋石磴危陶潛雖帶酒敢負遠公期
與世相違久深居近翠微道流叅問廣俗客往來稀龍
入袈裟隱鶴隨金錫飛禪龕如許借吾欲遠相依
蒲庵龍象士避世愛山居靜刻蓮花漏閒看貝葉書園
葵和露摘畦藥引泉鋤放曠雲霞外心清樂有餘

鄭元祐

朱澤民畫

窈窕溪橋路陰森楓樹林岸隨青嶂轉家在白雲深畫
史分明意山人去住心勞形何日已於此欲投簪

御選元詩

卷三九

蘇天民

鄭元祐

元顏師中

三

徐良夫耕漁軒遊題

幽館夏初度清林暑氣中開軒對流水坐石待薰風花
落烏巾側烏啼山八空耕漁者誰子散髮奏絲桐

贈薛相士

子有唐生術誰如范叔寒知無狼顧骨可有鶻皮冠野
日晴猶嫩春泥曉未乾多君遠相顧不用畫灰看

元顏師中

雙清秋月

古廟英靈在神光射九州亂山排萬壘一石砥中流野
水雲邊寺夕陽煙外樓倚闌時一笑不見故人舟

馬熙

和可行即事

載書逾十乘儲蓄乏千缸竹影明窺戶荷香暗度窓對
山方日擊見客又心降落日層臺表蒼煙白鳥雙

曹文晦

九月一日清溪道中

老樹依沙岸柴門上下鄰斷橋歸郭路細雨過溪人白
鷺雙飛去黃花數點新惜無遺世客聯句坐苔茵
微月懸孤榻殘雲過斷塍松風林外笛茅屋水邊燈久
坐忘爲客清吟未得朋沙頭有飢鶻昏暝亦飛騰

晚步

一筇循野岸涼思集衣襟雁陣迷秦篆蛩聲助越吟溪

御選元詩

卷三九

馬熙

曹文晦

四

黃添夜潦雲黑載秋霖未必號寒甚前村急暮砧

冬雨

濕雲連野樹流水繞孤村兩月無來客終朝閉小軒冥
冥山氣重漉漉澗聲繁認作清明景紅芳惜不存
迢遞接關塞陰遙送歲年百川黃潦合四野黑雲纏映
竹疎還密如麻斷復連無由同夜話一榻獨蕭然

開巖寺

一箇長松在入門先自清舊題猶在耳重到豈勝情傑
閣依巖出幽泉繞竹鳴老來多古意長記散華名

遊清心寺

夏日清心寺蕭蕭樹石佳高人留別院幽意滿空齋松

偃新移路淵臨欲隋崖五年纔一過回首爲興懷

九日

殘日淒風岸登臨感物華早禾千頃雪秋樹半村霞
酌壺牧風流落帽嘉古人那可作一笑對黃花

邵思文

浙江亭

極目錢塘上千峰列畫屏雨晴江樹碧潮落海門青
對景悲王導移家憶管寧臨風一惆悵沽酒慰飄零

卞思義

上元日侍宴疊嶂樓

上使開華宴高樓倚碧霄山如屏障列風逐管絃飄事

御選元詩

卷三

元

曹文晦

邵思文

卞思義

五

簡春偏永歌長酒易消月明人散後驄馬不勝驕

范梈

過廩丘

一葉輕舟穩飄飄過廩丘櫓聲搖夜月漁水對殘秋
古跡中都近風波別路憂蘆花深處聽款乃幾曾休

程煜

過太湖

擊楫中流去西風客思催地吞南極盡波撼北溟迴
鮫館懸秋月龍宮起夜雷濯纓人不見長嘯倒金壘

唐棣

潮音渡

送客潮音渡飛花春又殘
隔溪聞笑語倚櫂看峰巒
落日漾晴采東風生曉寒
往來人似織應羨獨凭闌

慈感寺

溪上前朝寺人間古道場
柳垂門外綠花發殿頭香
雨榻晴猶濕風廊夏亦涼
經僧旋繞處清磬散還長

趙渙

舟中夜作

身同南雁去回首意茫然
酒醒家千里詩成月滿船
河渾非爲兩岸轉欲移天
夜靜晶河漢涼風自斗邊

陳聚

浣花館

御選元詩

卷三

唐棟

趙渙

陳聚

葛元喆

六

愛爾桃溪好幽期不可分
山光晴挹翠玉氣煖爲雲
漁艇花間泊樵歌竹外聞
思君賦招隱慙愧北山文

葛元喆

寄黃存齋

別後遺經在燈前老鬢華
著書思衛道避俗欲移家
黃葉秋雲淡孤村夜月斜
欲尋三徑菊爲待九秋槎

陳高

懷友

作客黃山下思君漢水濱
愁牽清夜夢吟瘦老夫身
漂泊誰知我交遊獨此人
春來尋小艇江上問通津

夜半舟發丹陽

舟子貪風順開帆半夜行天寒四野靜水白大星明長
缺歸何日浮萍笑此生柁樓眠不穩起坐待雞鳴

城西虎跑寺

石勢虎蹲伏山形龍屈盤寺開唐殿閣墳掩宋衣冠幽
澗泉聲細斜陽塔影寒近城多戰鼓棲息此中安

贈章以元昆仲

相見談經史江樓坐夜闌風聲吹屋響燈影照人寒俗
薄交遊盡時危出處難衰年逢二妙亦得悶懷寬

入山

入山驚道險上嶺覺天低日礙危峰過雲依翠壁棲幽
花如血染怪鳥學兒啼避世須來此桃源路已迷

御選元詩

卷三

元 陳高

陳駘

七

新歲憶曾子白

經月愁聞雨新年苦憶君青華爲客久白髮著書勤酒
共鄰僧飲蔬從野老分何時共登眺整屐待晴雲

重登近山樓

羈旅歸來日危樓得再登山如前歲好雲向小窓凝種
朮看今長藏書比舊增題詩成感慨老我愧何能

陳駘

鰲峰

爲愛溪山趣朋尊訪舊遊久拚黃菊醉況被白雲留木
落千山曙潭空萬影秋坐來飛鳥盡歸思共悠悠

甘立

秋雨夜坐

風雨夜窓急，庭帷秋思多。
蕭蕭聞落木，洶洶度驚波。
階濕吟蛩亂，檐深宿鳥過。
青燈挑不盡，無奈客愁何。

送唐子華嘉興照磨

羨子才名久，人稱老鄭虔。
風流今共識，政事昔曾傳。
坐幕揮談麈，移家載酒船。
郡城秋水，上相望故依然。

送孫士元越州經歷

江樓酒欲醺，離思亂江雲。
官舍山陰近，郵亭水驛分。
聲華當衆望，贊贊畫藉多。
聞退食，須行樂，裁詩孰和君。

王冕

書懷

御選元詩

卷三九

廿五

王冕

八

世情多曲折，客況自堪憐。
聽雨愁如海，懷人夜似年。
草肥燕地，馬花老蜀山。
鶻冷澹無歸計，蒼苔滿石田。

晚眺

密樹連江暗，殘陽隔浦明。
不知秦塞遠，殊覺楚天平。
故國人在荒城烏，亂鳴徘徊吟未已。
搔首忽傷情。

次韻荅王敬助

西圃餘薑蔗，東臯足稻粱。
今年誠有望，吾計未全荒。
倚杖停吟久，看雲引興長。
鄰家新釀熟，同醉菊花旁。

泊瓜洲

落日大江秋，淒涼覺底愁。
逆潮攻敗壘，荒樹入沙洲。
險固空餘迹，清平且壯遊。
不須腰十萬，明日上揚州。

八蟠嶺

路繞危垣上風高松檜鳴花飛殊失意草長不知名遊
客諮遺俗居民指舊京浮圖天末起瞻望忽傷情

歸來

歸來入境異故里是他鄉坐閱紅塵過愁多白髮長關
山雲渺渺江漢水茫茫世事何多感馮高又夕陽

村居

避世忘時勢茅蘆傍小谿灌畦晴抱甕接樹濕封泥乳
鹿依花卧幽禽過竹啼新詩隨處得不用別求題

黃牛山

招提萬山底古屋蔽煙霞密竹先秋意長藤過夏花繁

御選元詩

卷三九 王冕

九

陰沈雨脚清響漱雲牙老衲看如雪相逢話作家

春晚客懷

落落窮途客年年不在家寄眠聽夜雨借景看春花空
著三山帽難防兩鬢華清晨覽明鏡載笑復咨嗟

有感

絕國春風少荒村夜雨多可憐新草木不識舊山河世
事紛紛異人情轉轉訛老懷禁不得悵望一長歌
對鏡添惆悵憑誰論古今山河頻入夢風雨獨關心每
念蒼生苦能憐蕩子吟晚來愁更切青草落花深

郭翼

漁莊

山色桃花裏漁莊信少雙鷗羣迴落日魚笳聚深
柳秋開屋蒹葭雨滿江野翁歸醉晚水沒繫船椿

雪

漠漠年華晚霏霏夜色分江明非借月樹重或兼雲始
訝花驚陳鬪愁鶴失羣梁園詞賦客飄泊獨懷君

和東禪悅堂遣興韻

讀經香滿室燕坐自朝曛鳥啄生臺飯龍吞洗盃雲心
花幽處現天籟靜中聞汨汨紅塵海虛空念不分

寒林

雪落黃泥坂江空采石磯老龍寒卧蟄棲鵲夜驚飛笙
籟無時息漁樵落日稀明年春色裏還此看林霏

御選元詩

卷三元 郭翼

一

合溪別業和顧玉山韻

雞犬秦人宅迢迢隔戰氛桃花浮釣艇草閣散鷗羣碧
樹重溪合斜陽遠笛聞吟詩雲半席遙想與誰分

寄雙徑主者

問信維摩詰山中一錫歸遙瞻雙徑月長照五銖衣寶
樹交珠網香雲護碧扉虎溪溪上路來往且忘機

新雁

江上聞秋雁秋風第一聲幾行雲接塞昨夜月臨城萬
里驚烽火羣飛憶弟兄關山書未寄愁感異鄉情

王吟

晚思

薰風向晚急吹動一身愁意合情終美心離事只休鳥
銜殘日度雲逐暮天流今古無窮恨令人早白頭

王原傑

夜泛吳江

山舟輕似葉載月過蘇城柔櫓數聲響長江一派清天
低連水色風順送鐘聲隔水疎林外漁燈數點明

黃公望

顧愷之秋江晴嶂圖

三絕如君少斯圖更擅長設施無斧鑿點染自微茫山
碧林光淨江清秋氣涼憐余瞻對久疑入白雲鄉

王晉卿萬壑秋雲圖

御選元詩

卷三九

王吟

王原傑

黃公望

十一

雨霽雲仍碧天高氣且清霜楓紅欲盡澗瀑落長鳴岫
嶺蒼茫景江湖浩蕩情應知卧雲者奚尚避秦名

題袁清容長幅

入山眺奇壑幽致探何窮一水青岑外千巖綺照中蕭
森凌雜樹燦爛映丹楓有客茅茨裏居然隱者風

吳鎮

陸探微層巒曲隴

六法斯圖見神奇指掌分萬峰凝翠靄一水弄清紋樹
密猿啼苦橋迴鳥喚羣溪邊有茅屋處處挂斜曛

閣立本西嶺春雲

西山高五臺縹緲出蓬萊春半花爭發宵征客倦來短

橋流曲水危壁覆蒼苔宣廟曾留賞臨風媿匪材
秋嶺歸雲

峰色秋還好雲容晚更親瀑泉落霄漢霜樹接居鄰靜
處耽奇尚消閒覓舊因悠悠橋畔路終日少風塵

吳道元五雲樓閣

碧樹圍青幄羣峰列嶂來御雲分五色鵲觀倚三台仙
客乘春至山翁向暮回高深無限思之子總神材

王右丞雪溪圖

曉徑霑衣濕登臺試屐危乾坤增壯觀江海得深期歷
亂瑤華吐紛披玉樹枝精微誰與並顧陸頗相宜

碧樹擁江扉朱簾捲翠微崇朝無客過傍晚有漁歸嶺

御選元詩

卷三

吳鎮

十三

耀梅重白隄縈絮正飛若留清夜賞鉛粉更光輝

右丞輞川圖

瀟灑開元士神圖繪輞川樹深疑垞小溪靜見沙圓徑
竹分青靄庭槐斂暮煙此中有高卧欵枕聽飛泉

畫裏詩仍好縈迴自一川湖晴嵐氣爽浪靜柳陰圓賦
詠成珠玉經營起霧煙當年滿朝士若个在林泉

李昭道畫卷

人愛山居好何如此際便家規仍小異幽致更超然暮
靄映高樹柴扉遶細泉新圖不可再展閱憶唐賢

關仝秋山凝翠

絕壁孤亭迴千峰落日曛沙明江上樹客帶洞前雲市

散雞鳴遠村荒犬吠聞一天秋色好都向此中分

趙大年秋村暮靄

曲磴平岡外遙峰落照沈人家三徑僻煙樹幾村深漁
唱流寒碧樵歌步夕陰悠然懷舊侶山館散清音

趙松雪重江疊嶂

江色千重碧煙光無限青數峰橫翠黛一逕入層扃倚
市柳爲幄迎人花自馨征帆遙點點漁唱起滄溟
摩詰詩兼畫斯圖若比肩江深煙浪接山出曉雲連柳
市疎鐘斷花林青旆懸鷗波風日好瞻對使人憐

子久爲危太樸畫

子久丹青好斯圖更擅長浮空煙水闊倚岸樹陰涼咫尺分濃澹
高深見渺茫知君珍重意愈久豈能忘

御選元詩

卷三元 吳鎮

十三

王維終南草堂

昔人謝政後生事此山中樹灑虛堂雨泉飛隔浦風喜
無舟楫至旋有鶴猿通應識無聲妙臨窓展未窮

郭忠恕仙山樓觀

疊嶂雲仍起崇山境轉幽溪雲千頃雪松籟一林秋長
嘯臨朱閣清遊卧石樓橋迴泉溜遠消盡古今愁

李成寒林圖

嶺高霜自結風勁入寒時日落晚山碧林空流水悲棲
鴉尋樹早瘦寒下岡遲無限黃塵滿幽棲總不知

黃鎮成

春雨南田書事

流水三椽舍桑陰五畝田飯香分野碓茶熟候山泉石榻看雲坐谿窓聽雨眠桃花川上路應有釣魚船

鉛山早行

早起辭林館鄰雞已再鳴月弦當戶直斗柄插山高細濕侵藜杖輕寒襲布袍前趨東日上五色動雲濤

乘涼

借屋依喬木乘涼愜病身日回山有影風遠竹無塵除地平施榻攀條側挂巾應攜龐老宅真作鹿門人

南山紫雲山居

一宿南山頂仙凡此地分河明疑有浪天近更無雲月

御選元詩

卷三九 黃鎮成

十四

色初秋見泉聲徹夜聞紅塵飛不到甘與鹿爲羣

樹老秋凝露山空晚更蟬雨添春藥水雲濕種瓜田對榻僧長坐聞鐘客未眠自應麋鹿性疎散愛林泉

絕壑開闌檻遙峰展畫圖雪飜僧供鉢雲繞佛香爐接板橋橫澗連筒水入厨杖藜行藥去九節得菖蒲

竹露連巖際松風滿坐隅水春如有節山鳥似相呼暑雨收崖蜜晴雲斲土酥月高秋萬宇身世一冰壺

絕境紅塵遠高居白日長僻宜人不到靜與世相忘宇闊星辰大山虛水石涼翠屏天外立秋氣晚蒼蒼

題朱澤民畫山水

與客浮湘水琴書共一舟雲間雙樹曉天外數峰秋指

顧銷塵慮棲遲發擢謳未知身是畫明月滿滄洲
東陽道中

出谷蒼煙薄穿林白日斜岸崩迂客路木落見人家野
碓喧春水山橋枕淺沙前村烏桕熟疑是早梅花

陳柏

京口送戴壽卿之金陵學錄兼寄劉雲松

蕩城至冶城山影碧峻嶒泮水春纔動零壇價已增烏
臺爭薦鶻鷗海看飛鵬問訊雲松客清溪隱釣罾

李存

送徐典史歸四明

細雨堂前酒初梅雪後吟誰云新識面已是舊知心丹

御選元詩

卷三

黃鎮成

陳柏

李存

十五

丹蓮花幕青青桂子林簾飄千古意臨別一何深

次汪簿秋日見寄

隔水秋雲薄連山夕照荒去鷗分遠色來雁帶初涼風
物何常異人生亦自忙因懷吾友問醫俗若爲方

別黃俊昭

歸矣黃夫子清愁葉葉風深知疑我獨無補與人同天
地年年老江河日日東相思有新語并寄鯉魚中

贈胡大使

久客徒催老微名不救窮尋詩亦及我好事宜非公勳
業遊天北家鄉望海東重逢知幾日小酌晚林中

吳景奎

旅夜

逆旅頻看鏡，秋來白髮生。
孤雲渺何許，遊子獨關情。
野迴雞三唱，霜寒雁一聲。
此時愁絕處，歸夢度江城。

過臨平

舟過臨平後，青山一點無。
大江吞兩浙，平野入三吳。
逆旅愁聞雁，行庖只鱸魚。
風帆如借便，明日到姑蘇。

旅夜

秋宵不成寐，缺月向人斜。
更漏傳三鼓，寒燈落一花。
窮愁長伴客，幽夢只還家。
烽火何時息，吾生未有涯。

和韻秋日述懷簡李克明

草木驚搖落，賓鴻度漢河。
故山歸夢遠，明月客愁多。
不御選元詩

卷三

吳景奎

陳植

六

復丁年壯，空悲子夜歌。
倚闌看北斗，零露滿煙莎。

得家書

卧看平安字，移燈就枕衾。
兒癡甘廢學，母老最關心。
山藥來鄉味，溪藤寄野吟。
愁多翻不寐，歸思在遙岑。
病起家書至，頻看坐夜分。
弟兄傳雁影，親友散鷗羣。
嘗稻應飜雪，栽松欲入雲。
故山歸去日，嘉樹定繽紛。

陳植

送趙生

元雷峰如畫，別來勞夢思。
江鄉爲客久，歲晚到家遲。
夜暖梅花發，冬深草木衰。
紅塵染衣袂，莫使白雲知。

龍興寺

次唐基
毋潛韻

先朝黃葉寺老屋白雲扉燈續長明火僧猶壞色衣
馱經馬迹遠念佛鳥聲微唯有閑閑叟坐看紅日飛

張師曾

爲劉損齋待制作

西蜀雲山遠南陂水竹奇紫騮梅令色白雪謫仙詩視
草催春直藏舟惜夜移惟餘雙鳳羽五采瑞明時

何景福

暮春王茂叔相過

春事遽如許相過忽偶同四簷留客雨一徑落花風病
骨緣詩瘦愁顏借酒紅搏沙寧久聚明日又西東

六月十七日夜坐李寧之忽得風急落流螢之

御選元詩

卷三九

陳植

張師曾

何景福

十七

句遂命足成一律

坦率坐中庭高門夜不扃露垂聞警鶴風急落流螢對
語頭俱黑相看眼更青客星在何處指點認天經

潘純

送杜元父赴南臺掾

故國江山在行臺地望優顧瞻烏亦好却憶夙曾遊寺
影清河曉蟬聲玉樹秋郎官多古意莫上最高樓

題豫章楊季子水北山房

舊聞楊季子水北有山房竹色長年綠松陰五月涼雨
絲深釣渚風帙亂書牀亦欲相從去江波不可航

徐舫

瑶林洞

洞傳緜嶺似彷彿玉笙清石或藏漁鼓雲從隔犬聲乍
居人頗怪異聽耳初驚子晉壺天有莫疑彩鳳鳴

陸廣

水竹居

爲愛王徵士幽居發興新乾坤得清氣風月屬閒人已
有雙溪竹渾無一點塵平生隨所寓取適任天真

羅蒙正

春日聞鶯

旭日明臺榭微風散綺羅樹陰涼翠合鶯轉落紅多闌
寂懷人處間關奈爾何嶺南天氣好二月已清和

御選元詩

卷三

元

徐舫

陸廣

趙觀

羅蒙正

正

正

正

正

正

正

正

正

正

正

正

正

正

正

俞明德

分題館娃宮送鄭同夫歸豫章

吳王歌舞地千載一登臨猶有頽基在空餘秋草深香
銷珠珮化土蝕玉釵沈楚客今朝別仍多感慨心

趙觀

蘆子渡

蘆花十里塘野色正荒涼明月秋無際西風雪有香漁
郎茅屋小估客棹歌長自媿無家別經行百感傷

綠雲洞

小洞綠雲合空山碧雨陰竹梧秋瑟颯松檜夜森沈水
簟琅玕濕風窓翡翠深何時謝塵鞅同理月中琴

范致大

題張先生良常草堂

溪上開新館高齋擁翠蘿彈琴拂石薦垂釣得鷗波
道士籠鵝至門生載酒過春風看花處隨地樂行窩

送張吳縣之官嘉定分題賦得石湖

范公如賀監吳越似同風一曲君王賜千年霸業空蕭
條湖水碧凌亂藕花紅相送青山暮孤帆沒斷鴻

李文

桐君山

緣江清徹底秋草迴相連霜墜楓林脫泉流石竇穿布
帆風自趁沙烏霧爭先龍塢桐君祠傳聞昔已仙

御選元詩

卷三十九

范致大
秦不華

李文

郭完

方坦

九

郭完

山中即事

數日別江渚抱琴過竹溪山深黃耳遠日落畫眉啼識
字今何補懷家計亦迷明年與妻子春雨學扶犁

方坦

石門清隱

鄭子石門隱石門長晝開了無俗客到時有白雲來谷
煖耕春雨窓陰聽瀑雷微賢有明詔林下豈遺材

秦不華

送友還家

君向天台去煩君過我廬可于山下問只在水邊居門

外梅應老窓前竹已疎寄聲諸弟姪老健莫愁予

賦得上林鶯送張兵曹

春日陽關道鶯聲滿上林來從金谷曉飛度玉樓陰柳
嫩難分色歌停稍辨音明朝空解語人去落花深

余闕

送普原理之南臺御史兼簡察士安

霜署起南天雲霄晝榜懸兩幃猶可對二妙古難全夏
木籠彫檻風華度繡筵時應聯騎出誰謂非神仙

呂公亭

鄂渚江漢會茲亭宅其幽我來窺石鏡兼得眺芳洲遠
岫雲中沒春江雨外流何如乘白鶴吹笛過南樓

御選元詩

卷三

秦不華

余闕

三

竹嶼

秋水鏡臺隍孤洲入淼茫地如方丈好山接會稽長紫
蔓林中合紅蓮葉底香何人酒船裏似是賀知章

送危應奉分院上京

峽路傳清警金輿夾綵旃還如向姑射詎比幸甘泉苑
樹紛成幄關榆始委錢從臣偏寵近載筆慢城邊

題合魯易之四明山水圖

窓中望蒼翠春木起晨霏孤嶂纔盈尺長松未合圍蕭
蕭此仙客日日候巖扉念爾空延佇王孫且未歸

賦得慈恩寺塔送李惟中赴西臺侍御

祇園開塔廟遐瞰盡三秦琨玉裁文陛金銅結綺輪高

標雙闕外流影灞陵津攬轡還登眺題名繼昔人

賦得鉅野澤送宋顯夫僉事之南山

隄上柳沈沈春蒲泛渚禽濟田東匯闊汶水北流深落
日依中沚浮雲積太陰微茫看不盡渾似別時心

送張有恒赴安慶郡經歷

曉路通高嶂春城入大江草生垂釣浦人語讀書窓肅
客移茶鼎行田載酒缸幕寮誰得似高步絕紛龐

送李伯實下第還江西

之子不得意南行無怨辭官河人杳杳客路雨絲絲古
木淮陰市春城孺子祠悽然千里別爲賦小星詩

賦得春雁送司執中江西憲幕

御選元詩

卷三

余闕

三

春風起蘋末旅雁尚回翔乳鴨嬌同唳新蒲短可藏應
懷洞庭水非避塞垣霜客路頻懷舊題詩寄帝鄉

賦得蛾眉亭送王德常御史赴南臺

江亭望華嶸望望似脩眉掃黛偏能巧含顰知爲誰娟
娟微雨裏脉脉夕陽時千里乘驄去因之傷別離

飲散荅盧使君

契闊思相見留連及此辰長江映酒色細雨若歌塵所
喜襟懷共由來態度真何時洗兵馬得與孟家鄰

雨中過長沙湖

細雨灑秋色平湖生白波客心貪路急帆腹受風多落
木生秋思驚禽避棹歌舟行不借酒兀坐奈愁何

汪澤民

紫山寺晚望山門

勝絕瞿硎地中藏六洞天山門雲引路石室月通泉鳥
逕莓苔溼僧房紫翠連曾聞地主說悵望夕陽邊

題翠微寺

堂上麻衣坐堦前錫杖泉人依碧霄近寺與翠微連山
擁無塵地雲開宿雨天明當臨絕頂禪榻借高眠

鄭玉

黟坑橋亭次以文韻

擢筆題高柱披襟挹好風剖瓜蘇渴客採藥識仙翁飛
鳥連雲白幽花點水紅相從問歸路疑悞入崆峒

御選元詩

卷三九

汪澤民

鄭玉

呂震

韓準

三

結屋依山麓衣冠尚古風醉人千日酒扶杖百年翁雲
起山松綠風迴野燒紅誰云避世者猶自在崆峒

呂震

武夷山

隱屏尊五曲祠像肅千年泉響長疑兩山高不礙天書
堂生草帶石竈冷茶煙道脉流今古清宵白日然

韓準

蘇門山

誰謂江南好蘇門第一流泉聲竹林夜山色稻花秋捫
石看題詠臨池憶釣遊何時卜歸隱明月載孤舟

陳肅

聞康給事禁中寓直因寄

重慙長樂注曲館建章通戶裛金仙
露窓含玉女風濃香千緒
蠶華燭五文虹顧此清宵興遙憐誰與同

送浦御史往荆南

悵望荆南道飄然忽去羣雲隨驄馬
色花學繡衣紋過峽思神女逢灘
問使君王程歸有限應未到春分

寄上元韓少府

借問爲仙吏幽懷定若何江聲雲外
急山色雨餘多小市金陵酒遺宮玉
樹歌好乘巴馬子閒踏落花過

王翰

山居春暮偶成

御選元詩

卷三九

陳肅

王翰

三

水氣掩蒼扉蘿香織翠微洞迴雲到
少地僻客來稀野鳥蕩春去楊花作
雪飛祇因飄泊久對此也沾衣

夜宿洪塘舟中次劉子中韻

勝地標孤塔遙津集百船岸迴孤嶼
火風度隔村煙樹色迷芳渚漁歌起
暮天客愁無處寫相對未成眠

題畫小景

萬籟秋聲近雙峰宿靄收江涵林影
碎野接曙光浮蘿薜連書幌鶯花避
釣舟由來揚子宅寂寞閉丹丘

遊鼓山靈源洞時澄明景霽入望千里徘徊自

旦至夕值月上聞梵聲冷然有出塵之想

旭日照高岑天風振遠林不應滄海
色那識白雲心寶

樹空香滿珠林積翠深坐來明月上何處起潮音

晚眺次林公偉韻

偶信東山屐尋幽到翠微白雲空野樹紅葉戀斜暉岸
落潮初滿天寒雁未歸風塵江海徧不上野人衣

伯顏

過豫章

艤棹滄洲外行行入故城樓臺空舊跡門巷半新名盛
學從誰說明身只自驚惟看徐孺子千古有餘清

過烏山鋪

溪流霜後淺野燒曉來明古路無人迹空山有驛名余
寒知夜永柝響覺風生苦被浮名誤樓榭復此行

御選元詩

卷三十九

王翰

伯顏

李祁

五

李祁

贈王汝賢

瀕洞知誰在倉皇賴汝賢壯心拋舞劍驚膽落虛弦暮
雨滄江上春風綠柳邊高歌聊自遣世事欲茫然

題王與齡畦樂

有客依南浦長年學種畦才高宜世用性僻愛幽棲菜
甲侵腰長桑枝刺眼低不因來往熟那得自成蹊

和王子讓席上韻

衰年愁對酒壯志憶題橋遇事難開口逢人媿折腰樂
傳天上譜心逐暮歸樵宴罷驪歌發蹉跎又一朝

題梅坡

迢遞城東路梅花遶幔坡步隨山雪徧興入野雲多顧
影頭常側憐香手屢掇爲君題作畫短句不成歌

陳基

次韻荅元善

跡忝芙蓉幕心依虎豹關老驚詩鬢短貧覺酒尊慳特
達高書記清新庾子山多情憑塞雁時寄一書還

癸卯二月十二日常熟阻雨寄吳門分省同官

一棹琴川路頻年此往還海風寒挾雨戍火夜連山澤
國龍分節邊城虎據關故人南省幕退食珮珊珊

十六日開船值北風大作復泊北門

風急江難渡天寒雪更飄濟川雖有楫跨海恨無橋使

御選元詩

卷三

李昉 陳基

三

節辭吳近官軍去楚遙北門仍繫纜山雨夜蕭蕭

三塔寺訪寬老

人世難行路禪房獨掩扉鶴飛知客至雨歇見龍歸天
地干戈滿江湖故舊稀愧非韓刺史臨別更留衣

送姪讓從軍武安

送爾徐州去秋風幾日程水通彭子國山擁楚王城虎
帳氍毹煖犀船五兩輕從軍古云樂今我不勝情

函關

萬里西遊客歸期趁早鴻澗泉明曉練山果落秋紅鳥
度煙嵐外人行泥淖中前途逢驛使立馬問關東

江

澤國長雲雨春山半有無江源起巴蜀地勢控荆吳客舍依鮫館蠻商雜賈胡明時方利涉吾道未乘桴

久雨

久雨妨農事那堪夜復晨雲浮滄海日花誤洞庭春行路悲遊子匡時仰大臣未甘栖遯跡霄漢有通津

送庸田司寶惟善經歷

籍甚中朝彥翩然萬里情禮從蓮幕重詩到水曹清未雪辭吳會先春入薊城殷勤黃閣老能不問蒼生

閔鄉驛用故翰林宋顯夫韻

爲問西來使長安去幾何檄書飛楚道征戍動交河鸚鵡承恩舊葡萄入貢多平生二鳥賦感慨未能磨

饒介

卷三

陳基

饒介

馬玉麟

三

夢中

流水無心競孤雲與我同坐深明月下行盡亂山中花落聞啼鳥松涼愛御風懸知皆夢境一笑萬緣空

馬玉麟

虎丘和范文正公韻

綠蕪迷四野空翠擁千巖風過鶴鳴樹雲歸龍在潭雨花翻寶座積石護僧菴此地如容我移家住水南

又次柳道傳韻

高城落日下樹擁半山青野鳥啼還歇溪雲散復停微官猶是客對此暫忘形爲愛生公石移尊上小亭

張憲

寄天香師

圓帽頂紅毳方袍搭絳紗海龍邀早飯山鹿進秋花試
墨探倭紙尋泉鬪建茶時拋紅豆粒竹下喚頻伽

贈西僧

西離五印度東渡獨繩橋海若擎雙足天花上七條胡
經函貝葉飯鉢繫椰瓢回首流沙路程途十萬遙

荅問湖源風土

湖源源上路東與浦陽連地勝藏春鶯民居小有天秋
山紅入畫晴野白浮烟一道桃花水如今泊戰船

取青樓夜飲戲葉子肅

御選元詩

卷三九

張憲

三

酒令傳觴急鎗花嚙燭低山人清似水老子醉如泥天
黑月墮地水寒星在溪猶吹赫蹏紙照道畫樓西

送括古心往吳江報恩寺

蘭若壓江橋長廊晝寂寥烏啼春後樹龍起定中潮花
雨隨風散茶烟隔竹消客程他日路清話借通宵

聽雪齋

萬籟入沈冥坐深窓戶明微于疎竹上時作碎瓊聲撲
紙春蟲亂爬沙夜蟹行袁安政無寐欹枕漏三更

大都即事

三月西山道春風平則門繡鞍紅叱撥羶帽黑崑崙衣
襍分香裏壺餅借火温醉歸揚柳月綠霧掩黃昏

小海春如畫斜街曉買花連錢遊子騎斑竹美人家襖
色搖紅段馨香鬪蠟茶額黃斜入鬢側髻半鬪鴉

楊柳暮鴉啼鐘樓日又西小車隨客散歸馬望塵嘶碧
瓦差宮樹金波溢御隄時平足行樂誰問醉如泥

紅雪點綿袍青樓酒價高朱絲紅耀杪玉斗紫葡萄春
燄行綾卷秋醃割佩刀簾鈎風不定觸損鷗翎毛

千步廊前月朦朧照御街風簷鳴寶鐸雷板耀金牌城
影平鋪地樓陰半上階誰家吹短調一夜亂春懷

寄馬將軍

馬服古名將孤軍鎮海壖射鵬天雨血拔槊地飛泉箠
手調銀甲花奴遞玉鞭虎營燈火夜自注十三篇

御選元詩

卷三九

張震

三

寄中山隱講師

問訊山中隱中山第幾重風廊巡夜虎雲鉢聽經龍流
水千溪月寒巖一樹松無因淨查滓來共上堂鐘

贈張習之

膏雨晝廉纖鑪煙不隔簾燕泥侵玉塵蛛網挂牙籤夜
枕花頻妒春衫酒半淹綠窻人散後明鏡摘風髯

立仗馬

照夜玉俊猊霜毛鐵鑿蹄春風金絡腦小雨錦障泥御
駕馳天上軍封受海西日供三品料絨口不聞嘶

次鐵笛道人韻

翠黛鎖眉山穠愁無處安玉環雙鳳繞珠髻九龍盤花

落夢初斷鶯啼春未闌檀槽兒女語昵昵向誰彈

次鍾君來韻

我愛山中好全無俗事牽秋霜溪口樹春水渡頭船豆
熟白鷗聚花開錦雉眠官閒僧舍近碁罷又詩篇

春登永安寺

宿雨忽開霧凭高散旅愁野煙啼翠鳥庭草卧青牛怪
石尖於劍長杉高過樓尚懷登絕頂東北望杭州

陳秀民

至岳州宿岳陽樓

蕩槩邈流光登樓望八荒江山出圖畫天地入舟航夜
靜星文動秋高月色涼題詩懷李白搔首鬢滄浪

御選元詩

卷三九

張憲

陳秀民

方行

三九

登靈巖

寶殿壓崔嵬華池頂上開山從太白出水自洞庭來閣
樹聯珠塔巖花照石臺吳王清暑地那得有塵埃

方行

贈相虛中上人

一室安禪久三生結願頻傳經來帝子送食下天神水
月虛空相山雲自在身慈航如可渡應許姓龐人

御選元詩卷第三十九

御選元詩卷第四十目錄

五言律詩七

楊維禎八首

錢惟善六首

張昱一首

王逢十八首

戴良十三首

顧瑛四首

顧元臣二首

顧晉一首

倪瓚二十四首

御選元詩

卷四十一
目錄

郊韶十五首

姚文奐一首

熊夢祥一首

周砥九首

張簡二首

瞿份一首

李瓚一首

李元珪一首

張師賢一首

沈性一首

張遜一首

顧達一首

沈右三首

劉西村一首

金翼一首

陸景龍一首

舒頔六首

舒遜五首

周霆震一首

楊翮一首

張端二首

吳志淳一首

御選元詩

卷四十一
目錄

周南老一首

魯淵一首

朱希晦二首

吳會二首

王中七首

華幼武五首

葉顥十首

劉養晦一首

燕遺民二首

王鵬一首

郭鈺八首

御選元詩卷第四十

五言律詩七

楊維禎

題米芾小景

煙霧林梢出蒼翠望中分山溜雜人語溪雲亂鶴羣石
梁逢釋子巖屋隱徵君皴散誰家筆披圖有篆文

散七迹反皮細

也米元章有
皴散畫法

留題昆山松風竹月亭

蕩舟北郭外華表見新亭水作遊龍勢山爲偃月形怪
松蟠水赤高竹上山青一束生芻意千秋地下靈

題邊魯生梨花雙燕圖

御選元詩

卷四

楊維禎

一

燕燕兩于飛
璫樓暮雨微
春風歌白雪
夜月夢烏衣
對語寄宮樹
營巢接禁闈
江南花事晚
疑是苦思歸

送曹生之京

十載辭京國
常懷玉筍班
鳳麈遊璧水
虎豹啓天關
海樹分秦雨
江雲隔楚山
壯遊須努力
況子正紅顏

題蘇武牧羊圖

未入麒麟閣
時時望帝鄉
寄書元有雁
食雪不離羊
旄盡風霜節
心懸日月光
李陵何以別
涕淚滿河梁

送用上人之金陵

東土帝王州
高僧汗漫遊
浣衣收夜雨
洗鉢渡江流
草發金銀穴
花飛霹靂溝
攜詩見短李
應下讀書樓

送楊生琰歸溧陽

之子吾同姓相逢已道南春衣彫白苧佳樹長黃柑雨
淡潛龍寺天清漂女潭蒲公讀書處白石有新菴

夜坐

日落羣動息張燈坐草堂浮生百年事清坐一爐香謀
拙鄰人歎幽棲世慮忘吟詩不知寐華月自流光

錢惟善

送酸齋學士之西州

薊北文章客風流迴不羣潮聲秋別夢月色夜留君三
峽吞秦樹千峰抹楚雲形骸捐水石來往更殷勤

保叔塔

御選元詩

卷四

楊維禎 錢惟善

二

金刹天開畫鐵檐風語鈴野雲秋共白江樹晚逾青鑿
屋巖藏雨黏崖石墜星下看湖上客歌吹正沈冥

書懷

春夢渾難記年光不可留絮輕隨野馬堪熟醉林鳩綠
樹深藏徑青山直上樓功名等閒事一笑拂吳鉤

寄呂彥孚

覓句隱烏几談經坐虎皮乾坤秋已半風雨夜何其聚
散偏相憶窮愁不自悲但令交有道莫惜鬢成絲

極目亭

南望富春渚雲山縱復橫野陰低驛樹秋色帶州城千
古共登覽一江空戰爭海門遙見白應是晚潮生

和王仁仲見寄

齒髮已如許江湖何所之忽收前月信未和去年詩至
寶懷雙璧新愁理亂絲爲親能捧檄此意獨余知

張昱

暑中招客

江山猶故國風月自閒人老至謀生拙時更盛化新花
疑春似夢酒與道爲鄰柱史猶龍者何嫌有此身

王逢

憶舊遊二首

醉酒高陽里題詩左氏莊碧雲垂草帶紅旭散花房流
水循除活飛絲拂鬢長座中誰潦倒遺却紫香囊

御選元詩

卷甲

錢惟善

張昱

王逢

三

紫纍妨過馬青苔委佩魚名通天上籍腹有架間書春
水浮齋艦山雲落板車尚懷仁里好耕鑿對休居

題沈氏別墅

小築洄塘上春陰水暫寒柳遮蓮葉艇花礙竹皮冠生
理尋常足閒心一寸寬知予厭奔走絕口不言官

仙茅塢

夜宿仙茅塢金鼇湧亂山天風來海外煙火落人間白
石思同煮青蘿喜獨攀絺衣弄華月公子亦忘還

題虎樹亭

宋聰禪師住華亭時有二虎噬人師降伏之命名曰大
青小青師卒虎亦死弟子瘞之塔傍踰年生銀杏樹二

今主僧隱公開亭
樹間扁曰虎樹

舟泊東西客詩招大小青山高白月隋草偃黑風腥植

物鍾英爽精藍被寵靈涼陰慎剪伐留護石函經

過馬天章水村居

嘉興馬錄判歸築水村居土銼長腰米蓴羹巨口魚青
衫霑露薄華髮向秋疎尚爾丹心壯無時去玉除

鄰飲

蠟炬繞紅鸞盆花玉露溥無家憎月色多難薄春寒毛
穎時旌鬼黃金少鑄官西鄰濁酒熟得罄一回歡

簡夏嘉定

百里繞吳煙重過喜地偏深城遲閉戶細港倒回船暮
夕煙開甲秋原木放綿民風返淳厚正賴使君賢

乙未八月避地前湖三首

錄二首

御選元詩

卷四

王逢

四

借地安樵爨秋煙滿桂叢禍因貧賤少詩到亂離工有
妹音徽隔諸兒起卧同數畦烏口稻滿待熟天風
竹底秋光薄牆根朝日暄稍通鄰曲好深荷野人恩細
雨菰生米新霜芋長孫加餐向茅屋醒眼看乾坤

丙申八月紀事時自鄉里入吳還華館遂卜隱

鴻山

寸舌解重圍長歌振短衣不成巢父去空似魯連歸蔡
港沙田薄黃山宰木稀伯鸞吾所慕梅李況魚肥

至正丙午三月廿八日自橫泖遷居烏涇宋張

驥院故居有林塘竹石因扁堂曰儉德園曰最

閒得詩凡六首

錄三首

卜宅賓賢里生涯始有涯憂緣常念亂貧爲數移家徑
合交枝果簾當獨樹花池臺幾峰石相友卧煙霞
鄰曲敦新好園林恍昔游衣冠時徑入棊槊夜忘收已
遂尊羹興何煩祀國憂人生貴行樂兩鬢颯先秋
無才甘在野多懶愜行園石露溥雲氣池風損水痕草
深眠雉子林靜習鴉孫擬著幽居錄漁樵共討論

重游澱山

鼇戴小蓬萊方諸宮影開崖根龍洞闢山脉虎丘來疎
磬重煙水殘碑半雨苔因之懷故國游雁落清哀

芮庠卿邀費孟彰同知陪酌背孰堂復同晚步

口號

御選元詩

卷四十一

王逢

戴良

五

罷酒出前楹霜寒著面輕林腰煙帛東天角火鋒生卧
木橋通野踈冒水隔城寬袍曳筇竹俱老愧宵征

乙丑秋書

腰痛非干米眊昏漸廢書靜知天運密老與捩程踈綠
吉黃甘外紅鮮白小初兒歸共貧樂容易歲云除

題垂虹橋亭

長虹垂絕岸形勢壓東吳風雨三江合梯航百粵趨葑
田連沮洳鮫室亂魚鳧私怪鴟夷子初心握霸圖

戴良

除夜客中

歲月遽如許蹉跎老却人一年惟此夜明日又逢春湖

海未歸客風塵多病身感時渾不寐燈火獨相親

郡齋度歲二首

錄一首

失脚雙溪路今經兩度春不堪飛雪夜還作望鄉人世
事方如夢生涯笑此身惟應兩蓬鬢不負歲華新

送歸安丞

之子官何處湖流一舸通汀洲蘋影外城郭水光中夜
泛苕溪月春吟若下風若逢陳太守爲報各衰翁

自定川入海

乍離東海郡又上北溟船紅見波中日青窺水際天鄉
關千里隔身世一帆懸鄉信何從達歸鴻落照前

次大牢山下

御選元詩

卷單

戴良

六

草樹叢祠古波濤仙掌清鐘聲千里闊帆影一舟橫茅
屋邊山戍泥牆傍海城中原風景異到此暗傷情

至膠州

自入東膠路鄉邦此地賒人悲西候日帆亂北溟霞民
俗農爲業州城土作家驛樓何處是庭樹暮棲鴉

宿高密

客路信悠悠荒城許暫投黃塵齊地晚紅葉海邦秋燈
影明官驛鐘聲度縣樓去家今幾許猶自夢東州

次益都

使傳來遙甸估車馳近垆茅廬城外寺楊樹驛邊亭淄
水穿原綠牛山入郡青西遊應未遂又復渡滄溟

經金繩廢寺

寂寞唐朝寺，頻年客到稀。空山孤殿在，荒徑一僧歸。苔色驕秋雨，松聲振夕暉。驚鳥初有託，近亦出林飛。

鄭城逢故人

一別無消息，誰知住此城。忽逢難面認，驟語各心驚。身世丹衷折，干戈白髮生。憑君陳往事，相看重含情。

歲暮感懷四首

錄一首

驅馳三十載，身世竟何如。人老憂虞裏，交疎病廢餘。鄉邦書未返，湖海歲將除。後夜燒燈坐，依然歎索居。

客居三首

錄一首

寥落空山裏，松門晝亦關。江鄉千里隔，天地一身閒。聽雨多臨水，看雲長傍山。自今幽思熟，無復歎時艱。

御選元詩

卷四

戴良

顧瑛

七

辛亥除夕三首

錄一首

移居湖水上，已是一年期。客路頻辭歲，家山忘別時。庭寒無鵲噪，春近有梅知。此夜傷情極，板觴懶獨持。

顧瑛

雪夜泊楓橋

江城殘雪裏，人發剡溪舟。花急風翻去，潮生水逆流。傷心憐去雁，幽興託盟鷗。寄語東蒙叟，春山擬共遊。

和馬孟昭韻

淒風何處起，擊柝報嚴更。共此可憐夜，相看太瘦生。燈挑簷雨落，茶煮石泉鳴。猶有彌明叟，聯詩慰逸情。

聽雪齋以夜色飛花合春聲度竹深分韻得聲字

虛館晝生白飛花照眼明
隔簾時有影著地靜無聲
夾坐人如玉深杯酒屢傾
清歡竟成醉淡月破雲生

晚泊新安有懷九成

夜泊新安驛西風八月天
人家溪樹裏晚飯柁樓前
水落星移石雲開月隋船
遙思佩韋者癡坐不成眠

顧元臣

玉山佳處分韻得堂字

玉山有佳趣張讌竹梧堂
翠氣動空碧綠陰生暗芳
蔗漿銀碗凍萼縷翠絲涼
最愛纖歌罷虛庭月似霜

御選元詩

卷四

顧璞

顧元臣

顧晉

倪瓚

八

又得鳳字

梧竹遶高堂清陰滿坐涼
春風人似玉芳草句生香
綠酒傾鸚鵡瑤笙引鳳凰
詩成歡未撤月色轉迴廊

顧晉

芝雲堂得生字

石根雲氣暖坐看紫芝生
詩酒共爲樂竹梧相與清
仙人同跨鶴玉女對吹笙
過雨添涼思停杯待月明

倪瓚

題張德常良常草堂

翠壁鄰丹竈青楓背草堂
琴書聊卒歲麋鹿自成行
澗水流杯滑飛花入座香
能無問津者及此繫舟航

遊善權洞

來窺善權洞一上李公樓水玦巖前引雲旌松際浮然
鐙長不夜垂釣只虛舟欲讀吳朝刻真成冒雪遊

雪槎軒

已比溝中斷空思海上浮隨雲秋汎汎貫月夜悠悠無
路通河漢憑誰問女牛漂搖非有待吾道付滄洲

賦德機徵君荆南精舍圖

結廬溪水南勝事足幽探夏果落山雨春衣染夕嵐石
欹招鶴磴門俛射蛟潭日日縈歸夢蕭條雪滿簷

贈公遠

霜葉落欲盡晚山看更青躡將沙際屐坐久水邊亭俛
御選元詩

卷卑

倪瓚

九

仰已如夢漂搖同泛萍稻梁非所戀黃鵠思冥冥

張心遠訪郊九成因書以寄

州府今爲掾風埃多厚顏香芹渾滿澗去鶴未巢山思
逐春雲亂心隨野水閒張君應話我樗散碧巖間

荒村

踽踽荒村客悠悠遠道情竹梧秋雨碧荷芰晚波明穴
鼠能人拱池鵝類鶴鳴蕭條阮遙集幾展了餘生

寄虞子賢

天闊海漫漫崑山望眼寬桃源迷晉世松樹受秦官兩
蘚鹿迹遍霜梧鸞影寒封題數行字聊問竹平安

贈沈文舉

波光浮草閣苔色上春衣楊柳鶯啼暗櫻桃鳥啄稀榮
名非所慕登覽竟忘歸泖水宜修禊重來坐釣磯

已酉八月廿三日雨至廿六日乃開霽賦五言
呈德常

積雨琴絲緩泂階蘚碧滋泥途方汨沒茅屋且棲遲酒
向鄰家貰杯從野老持便應從此去海上候安期

畫江天晚色贈志學

不見呂君久題詩懷不忘風聲渾落葉山影半斜陽獨
鶴來遲暮孤帆出渺茫爲圖秋色去留寄讀書堂

垂虹亭

虛閣春城外澄湖暮雨邊飛雲忽入戶去鳥欲窮天林

御選元詩

卷四 倪瓚

十

屋青西映吳松碧左連登臨感時物快吸酒如川

題畫贈王仲和

曾住南湖宅于今已十年叢筠還自翳喬木故依然雨
雜鳴渠溜雲連煮朮煙何時重相過爛醉得佳眠

題元璞上人壁

蕭條江上寺迢遞白雲橫坐待高僧久時聞落葉聲鷗
夷懷往事張翰有餘情獨擢扁舟去門前潮未生

寄王道士宗晉

王君舊隱地聞更結茅茨鶴擎春栽芋鷺羣雪泛池時
歌綠水曲不負碧山期夜雨生芳草令人起夢思

送僧

聞說四明道山川似若邪去依阿育塢還宿梵王家野
井封殘雪江船聚晚沙光公強健否持底作生涯

贈王光大

荆溪王隱士相見每從容借地仍栽竹巢雲獨傍松青
苔盤石淨嘉樹綠陰重約我同棲遁嵩高第幾峰

桂花

桂花留晚色簾影淡秋光靡靡風還落菲菲夜未央玉
繩低缺月金鴨罷焚香忽起故園想泠然歸夢長

題畫

甫里林居靜江湖遠浸山漁舟衝雨出巢鶴帶雲還漉
酒松肪滑敷茵楮雪閒春風一來過似泊武陵灣

御選元詩

卷四
倪瓚

十一

寄張德常

卜宅近溪西雲煙咫尺迷晝眠同野鶴晨起候林雞舊
種松三徑春栽菊滿畦來禽與青李囊致不封題

六月六日盧氏客樓對雨呈維寅

無家隨地客小閣看雲眠涉夏雨寒甚似秋風颯然舞
鷺悲鏡影飛雁落箏絃好轉船頭去江湖萬里天

題畫贈九成

故人郊掾史邀我宿溪船把酒風雨至論詩煙渚前晨
興就清盥思逸愛春天復遇武陵守共尋花滿川

送李徵君過荆溪訪王司丞

何處尋狂客故人王子猷花落庭前樹風吹溪上舟紫

筍生春雨綠蘋滿芳洲心隨酒船發悵望不能休
懷寄強行之常州學官

君在西溪上年年楊柳春提壺坐柳下邀我見情真青
葉已垂帶白花還覆蘋別來今見柳思爾採芳芹

鄭韶

過石塘洪

亂石成孤嶼中流截巨濤水清時見底沙淺不容舸度
鳥窺天影遊鱗觸澗毛前村江路迴纖月在林臯

谷口

谷口大星稀蒼茫夜景微草驚知鹿過潭響覺龍歸楚
舞誰相狎商歌自攬衣鹿門應有待莫遣壯心違

御選元詩

卷四

倪瓚

鄭韶

十三

吳浦

山勢分吳楚江流接混茫昔年隔南北此地即邊疆民
近淮鹽市門通海客航行人敬風土云是子游鄉
爲靜巖上人賦半閒雲房

松下半間屋繞檐生白雲山香石上起華雨靜中聞埽
榻看桐影支筇對夕曛悠悠百年意世事任紛紜

送僧歸嚴陵

春船上瀨急歸路石濺濺白石百花靜清江初月圓偶
逢林下叟爲話竹間禪明發遙相憶青山生暮煙

倪元鎮畫

元館夏初度青林暑氣中開軒對流水坐石待薰風花

落葛巾側鳥鳴山几空經鉏者誰子散髮奏絲桐

送樊仲益省郎之解州

六月句吳國重逢樊省郎題詩過山館惜別度河梁淮
樹生秋早汾陰去雁長明年朱紱貴遙憶奉華觴

題九龍圖

九龍起幽壑百谷走春雷峽坼蒼厓斷天傾白浪迴朝
行神禹穴暮過楚王臺應有天瓢手爲霖遍九垓

登姑蘇臺劉從事索賦二首

錄一首

臺榭已蕪沒江山非昔遊鳥啼煙樹裏日落古城頭源
水聞吳曲青楓繫越舟望中衰柳色知是舊長洲

題宋氏綠野莊

御選元詩

卷四

郊詔

十三

暮泊蘭陵郡朝過綠野莊飛花渡江闊垂柳蔭門長埽
地春陰合梳頭荷氣涼幾時重著屐來此話滄浪

小遊仙

旭日三危際春煙五色開誰知大瀛海似是小蓬萊靈
鶴傳書去神魚聽瑟來仙輶如少駐花底注深杯

至正庚寅臘月下澣予與琦元璞吳國良同寓
玉山時大雪彌旬日坐雪巢聽簫酌酒煮茗賦
詩俄有他故乘夜泛舟泊楓橋下雪復大作庄

山于彥成有越上之行余賦是詩以送之二首
長江幾萬里送子一扁舟日落雲帆盡天空海水流青
山無過雁白髮有歸鷗爲語乘查客何如汗漫遊

山陰有歸客雪夜泛扁舟一笑遽云別知君靜者流看
山對明鏡濯足起飛鷗還載一壺酒相尋賀監遊

秋夜獨坐有懷玉山徵君

庭樹葉初落鵲飛驚早秋玉繩猶未轉星漢忽同流楊
柳離亭思芙蓉別浦愁美人隔烟渚滄海信悠悠

次顧仲瑛晚泊新安見懷韻

長林夕露下一雁過秋天月照風燈外星沈夜水前美
人隔煙渚清夢落江船孤坐聞城漏迢迢夜不眠

姚文奐

和韻

天清望不極逸興晚來多新月弦初上秋華酒半酌水

御選元詩

卷四

鄭韶
周砥

姚文奐

熊夢祥

十四

光搖玉塵山色舞金鷺坐久衣裳冷移舟向澗阿

熊夢祥

湖光山色樓

移舟界溪上忽見海虞山山接空青外湖當慘淡間松
聲聽欲近帆影坐看還何處西風起漁歌下別灣

周砥

過任昉釣臺

雲樹參差短寒山迢遞明深春釣臺沒殘照夕嵐輕萬
化同斯盡孤名如水清誰悲范僕射千載見交情

過西澗

放鶴白石上曳履青林間近竹門自掩採樵人未還草

生西澗雨雲歛南湖山遊咏以終日相依道者閒
望願山

曾著願山屐穿雲古洞歸松浮仙嶠日落女蘿衣翠
壑晴蛻飲丹房玉燕飛煙塵此時路長望一歔歛

送鄭同夫歸豫章分題百花洲

洲上百花明春流日夜生祇看維客棹無復渡霓旌落
日山如舊東風鳥自鳴蕭條千古意離別暗傷情

元日試墨二首

金鴨香猶吐風簾影自飄輕水生墨沼餘雪綴寒條茅
屋行堪賦山雲坐可招且無軒冕意隨分樂漁樵

萼綠花開未春醪已滿缸不須嗟往事且復醉幽窓采

御選元詩

卷四

周砥

十五

筆雲千朶青霄鶴一雙平生江海興漸覺片心降

題宮人行樂圖

金宮遊素女玉笛弄清暉月殿龍香度風簾翠影飛雲
開移綵仗花落卷春衣莫買相如賦長門事已非

賦得晚晴送禪師

浮雲暮色霽空宇湛然清復念還山客遲遲南澗行新
禽響叢木殘照入孤城即此閒來往方紆塵外情

雨中一首

淒涼懷故舊寂寞卧丘園溪冷風蒲拆林高雨竹喧漁
人留野渡田犬吠衡門無限清秋意何從製一言

送徐教授曉山歸武林

三年言子邑寂寞鼓鳴琴官舍冷如水杏花春滿林化
風敦薄俗清氣集虛襟歸去吳山下青青草正深

次韻荅強仲端

花落紅雲島風生白玉題真人不出戶芳樹自成蹊埽
地雨初歇開簾鶯正啼此時不一見春思轉萋迷

瞿份

春暉樓以紅藥當堦翻分韻得紅字

岸幘華池上開樽芳逕中玉瓶分錦水紈扇度香風妝
靚舞衣薄嬌妥青雲紅莫辭秉燭醉妖嬈偏惱公

李瓚

御選元詩

卷甲

張簡

張師賢

瞿份

李瓚

李元珪

六

春原

林樾風初協村原泥正融香蕪連野碧冶杏過牆紅塞
雁歸天末巴鶯出谷中春光濃茗酒歡賞興何窮

李元珪

秋暮

秋色已云暮天寒未授衣異鄉三載客倦過幾時歸膠
漆惟君久論心見面稀題詩寄清隱江國雁初飛

張師賢

送于彥成歸越次郊九成韻

江南歲云暮仙客泛歸舟交態浮雲變離懷逐水流雪
空橫獨鶴沙際渺羣鷗劍佩山陰道知君獨重遊

沈性

晚泊新安有懷九成次玉山韻

溪流仍水宿夜坐散秋天月出青楓裏烏啼古驛前
關懷在路汗漫問鄰船想憶同心者裁詩不待眠

張遜

題桃花溪

種桃如種柳容易得成花千樹恐無地平原堪卜家
晚風迎窈窕春水繞汙邪久不通人問循溪步曲斜

顧達

澹香亭

玉樹浮春煖輕風扇夕清霏微通繡幕窈窕倚朱楹
酒御選元詩沈性卷卑張遜顧達沈性七
壓霞光漱衣承雪色明徘徊顧林影華月又東生

沈右

次韻叔方先生兼簡伯行敬初二首

憶昔陪二子吟嘯野亭中風急江花白霜晴木葉紅
去留身若寄陶寫興無窮更喜陳夫子幽情訝許同
掩卷坐忘寐書燈耿獨明年華勞髮改夜氣與神清
感夢疑蕉鹿挑愁賴麪生何時重相覓握手話真情

次留笠澤別業詩

步屨春風裏翛然忘世情閒門無客到載酒泛江行
雨過山如染潮迴水自生鷗沙割千頃夢不到承明

劉西村

送鄭同夫歸豫章分題楓橋

涼風起蘋末送子過楓橋落日聞征雁空江生暮潮星
沉吳渚闊雲入楚山遙歸去秋堪把芙蓉葉未凋

金翼

送周仕宣南臺典史賦響屨廊

深宮風日靜鳴屨憶當時花襯珠嬪步春隨綵仗移錦
鳧雲窈窕香佩玉葳蕤我正慙趨步臺郎赴遠期

陸景龍

奉寄竹深識趣二先生兼簡泉上架閣

下榻徐高士彈琴魏隱君相望一溪水只隔半山雲每
憶朋簪盍俄驚客袂分登樓頻眺遠離思正紛紛

御選元詩

卷四

劉西村

金翼

陸景龍

六

舒頔

獨步

獨步誰爲侶谿邊有白雲情親鷗共狎機動鹿分羣細
草沿厓出幽花隔岸聞歸鴉背秋色飛過夕陽林

春雪

片片露芳草紛紛雜落花籬寒春雀陣檐凍午蜂衙雲
密深藏樹谿渾不見沙小窓風力惡呼婢莫烹茶

晴

雲氣扶紅日江光漾翠濤煙籠淮樹遠天淨楚山高慕
道心誠渴憂時鬢獨搔明朝鍾阜去渡口買輕舸

白土嶺

野水孤城迴風雲浪積沙一方龍虎國六代帝王家玉
樹歌仍在新亭恨轉加凝情正寥落漁唱荅邊笳

茅岡鋪阻雨

巖谷幽棲士江湖嬾散身思鄉荆楚客憂國杜陵人年
老常防病時乖不厭貧滔滔浸平陸何處是通津

嶠源

谿回石欲動山斷路還通嵌石蘚花白颯林楓葉紅野
雞啄寒澗塞雁下晴空莫怪楊朱泣于今路更窮

舒遜

李謫仙

召對金鑾殿榮膺白玉堂氣吞高力士眼識郭汾陽醉
御選元詩

卷四

舒頌

舒遜

九

骨生疑蛻詩名死更香何由見顏色月落照空梁

和蔡原英暮春雜詠二首

處處鶻鴟聲春光大半非綠扶官柳暗紅點岸花飛竹
鳴消殘靄柴門掩落暉高人尋友罷獨抱一琴歸
十日九風雨春來有許陰氣騰三島暝綠漲一江深苔
匝痕猶濕花垂力不禁遙憐杜陵老麻麥正關心

和人韻

山水有真趣琴書得自由歌詩哦字眼沽酒過牆頭南
國黃花景西風白雁秋何人發幽興吹笛倚江樓

題度洪富嶺道中

蹋破瓊瑤路行穿翡翠岑光搖鼇背穩迹印獸蹄深水

瑩奩開鏡泉疑玉墜簪野梅香徹骨三嗅動微吟

周震震

山村

寥落驚回首艱危厭久生野人羞費揖山石苦留行坡
雨初畦菜園霜未破橙小村風物古暫喜話農耕

楊翮

遊廣教寺次李生韻

勝日欵禪宮蒼苔印屐蹤雲間聞梵語煙外聽齋鐘樹
列千年檜林深百尺松明珠光錯落幽壑舞驪龍

張端

和傳可除夕

御選元詩

卷四十一

舒遜

周震震

楊翮

張端

三

曆盡年俱往寒多火未銷為憐無去日翻恨有來朝世
路看何隘家山望更遙雙娥燈影裏剪綵待元宵

擣衣

為擣清砧素令人念藁砧近寒將雁至入夜正蛩吟霜
月三更杵關山萬里心金風何太弱不與送餘音

吳志淳

小姑山

長江數千里屹立一峰尊開關由神禹朝宗自海門魚
龍藏白晝星斗動黃昏祇有孤舟客歸心逐浪翻

周南老

至正丁酉冬督役城虎丘連月餘賦詩八首錄

呈居中禪師 錄一首

白髮趨公役驅馳上虎丘空惟追舊賞無復紀清游紅葉自秋色青山慘暮愁凭軒凝竚久誰與話綢繆

魯淵

題馬文壁秋山圖爲盧仲章賦

野館空山裏林泉象外幽淡雲初霽雨紅葉早驚秋路轉山藏屋橋危岸倚舟直疑人境異便欲問丹丘

朱希晦

時事

貧病知交態驅馳愧老身薊門深雨雪淮海暗風塵雖有樓船將能無柱石臣會須安反側早晚畫麒麟

御選元詩

卷四

周南老

魯淵

朱希晦

三

納涼

無事解衣坐超然心境空深林翳炎日萬壑來天風閒停白羽扇試拂朱絲桐醉罷不知夕月生滄海東

吳會

春晚

風雨春如客煙霞日似年鶯歌把酒聽花落抱琴眠樹暗藏書谷香流洗藥泉好懷無處說誰與繫江船

江村

紅樹江村外黃蘆野水邊深風落地禾偃澇餘田雁鶩違寒日牛羊入遠煙岸人連棘戶盡室避軍船

王中

黃家洲客舍留別

數載俱流落相逢鬢已秋
生涯同寂寞書劍祇淹留
沙闊隨天盡江平帶日流
別離殊不愜回首思悠悠

田家雜興

煙火中林靜秋風歲律賒
清霜催橘柚日照蒹葭石
逕通流水山橋卧古槎
武陵元世境不必問桃花

閒居述興

老來真懶慢林下復無營
樵牧通名姓禽魚識性情
卧聞黃葉落坐看白雲生
更愛茆齋夜泠泠風月清

懷方二叔子

聞說臨濠客衰年謫宦貧
愛憎多異報消息定誰真
得御選元詩

卷四

王中

三

失雖由命才名實累身
平生交契重東望苦傷神

病後述懷

杖藜初雨後試步夕陽時
草綠驚春久山深得暖遲
病多因識藥興短倦題詩
寂寞無人問平居有所思

泊鏡口

日暮風濤穩扁舟泊此隅
雲山歸夢杳鄰舫語音殊
片月寒江永平沙旅雁孤
無才合漂泊不敢恨窮途

山中帶雨

涿酒千鍾醉衰年百念闌
山深茅舍靜春暮雨聲寒
花事隨泥滓苔痕上井欄
寂寥聞杜宇羈思若爲寬

華幼武

風棚

百尺虛結構松風起四簷遂令秋滿屋何用晝垂簾蔽日雲常在當窓雨不霑儵然無限意叢竹淨相兼

清坐

驅馳欣暫息清坐感餘春細雨偏宜草疎簾不隔塵山禽時引子庭鶴晚隨人幾負林泉約空嗟頭上巾

客樓夜雨

城郭易爲熱江雲起不難電光生夜白雨氣入樓寒書葉仍防潤燈花不耐看祇緣聽亦慣竟夕睡偏安

宿蠡口

春風吹短檣迤遲望歸程刁斗溪邊戍旌旗野水營市御選元詩

卷四

華幼武

葉顥

三

橋人迹少官路馬蹄輕欲向東湖去邊烽永夜明

久雨

江雨灑還稀江雲濕更低不愁吳水闊惟恨楚山迷野鶴思高舉林鳥慕穩棲漸看晴景好可得溷塗泥

葉顥

送應空谷上人遊吳尋師二首僕于湖山泉石有疇昔之好末章故及之

錄一首

落日南朝寺吟筇幾度登欲尋前日路去訪昔年僧浙水生新浪吳雲暗舊燈阿師如到彼爲謝嶺南能

題應上人淨深精舍

一室纖塵絕爐煙貝葉經每呼明月至常遣白雲扃竹

色侵書幌荷香襲小亭晚來開甕牖放入數峰青

午窓睡起偶吟閒花落硯池小兒士廉率爾應
聲曰香絮粘碁局遂足成一律

睡起碧窓虛無人松影移庭空晴晝永徑靜夕陽遲香
絮粘碁局閒花落硯池遙看煙樹鳥飛過白雲枝

己酉新正

天地風霜盡乾坤氣象和曆添新歲月春滿舊山河梅
柳芳容穉松篁老態多屠蘇成醉飲歡笑白雲窩

春晴

曉洞雲歸濕春山草木新天桃含宿雨嫩柳裊輕塵蝶
翅寒猶怯蜂衙晚漸陳香風簇羅綺已有踏青人

御選元詩

卷單

葉顥

五

日暮江村雜興

釣艇已收緝無人深閉門雲生沙上石月出水南村寂
寞寒潮遠微茫煙浪昏孤舟中夜笛感慨動吟魂

山莊即事

策杖步松關銜杯看遠山青鞵陪月去翠袖裹雲還芳
草斜陽外落花流水間山林多樂意無夢到塵寰

江村晚景

野水溪橋外荒村八九家雨晴魚網曬風定酒旗斜紅
樹霜江葉黃蘆月岸花何當從此隱重整釣雲槎

春遊晚歸

小雨雜煙霏晴光弄夕暉
蕙紅侵酒筇空翠潤琴徽
風

藁吟翁帽雲香野客衣殷勤花徑月寒影照人歸
次韻賈逢源見寄

短髮凋秋鬢天風快晚晴閒惟欣有味老不歎無成白
石和雲煮青山帶月耕無心少年事慷慨樂從征

劉養晦

野館

安穩桐溪上時危久索居蟻穿庭下穴蝸篆壁間書野
水臨秋迴山窓映月虛十年戎馬亂歸計定何如

燕遺民

感懷二首

寥落吳山曲憑誰話起居出門惟水石相見但樵漁酒

御選元詩

卷四

葉韻
王鵬

劉養晦

燕遺民

三五

熟還堪漉葵荒欲自鋤久深泉石想早晚賦歸與

泉石煙花淨林塘暑氣清幽花籬落見好烏竹間鳴禾
黍皆豐稔桑麻自長成還聞茅屋底燈火讀書聲

王鵬

過西洞庭

元洲不復見縹緲即芙蓉玉洞連三島金庭第一峰芝
香雲氣暖竹色露華濃我亦尋真者行探虎豹蹤

郭鈺

秋望

長嘯動巖壑秋風生滿林片雲隨雁度疎雨約蟬吟燕
馬關山遠吳船歲月深歸來蘇季子何用苦多金

王志元邀度歲不及赴敬荅以詩

東門問來使晚歲許相迎
野樹懸雲氣江波挾雨聲
虎飢寒更出驢瘦滑難行
好是城南酒燈前只自傾

除夕

短日如年度寧知歲又殘
鄉關一水隔風雪五更寒
寄食囊垂罄更衣帶盡寬
主人供帳好獨作太平看

江路

江路雪稜層囊空仗友朋
炊煙晨減米乞火夜分燈
白鳥踰青嶂蒼松舞翠藤
鄉關長在望歸夢久無憑

憶弟

時危思共濟謀拙阻相聞
念母誰無子持家爾不羣
江

御選元詩

卷四

郭錕

三

煙寒織雨山鳥暝穿雲
悵望歸無計悲啼向夜分

和王志元雨晴

客枕愁春雨漁歌荅晚晴
殘雲棲樹濕新水與橋平
穉子買魚至主人窺筍生
酒來即傾倒何問阻歸程

春雨

日夜雨懸懸問春春可憐
好花俱薄命似我負芳年
雲氣低簾外江聲到枕前
何時是寒食早已禁厨煙

山館

偏側不敢怨飛騰殊未能
野猿時送果山鬼夜吹燈
口腹久爲累語言難盡憑
白頭方檢束飽食愧飢鷹

御選元詩卷第四十

